



PERSATUAN BELIA BEDOK UNTUK INSAN KURANG UPAYA (BYSD)

Persatuan insan kurang upaya perlu dana bagi kelas Al-Quran Braille



Golongan kurang upaya menghadiri kelas agama di Masjid Al-Istighfar di Pasir Ris Walk, anjuran **Persatuan Belia Bedok untuk Insan Kurang Upaya (BYSD)**. — Foto-foto PERSATUAN BELIA BEDOK UNTUK INSAN KURANG UPAYA (BYSD)



Cik Rosni Ali yang cacat penglihatan merupakan antara yang mengikuti kelas membaca Al-Quran Braille di Masjid Al-Istighfar anjuran **Persatuan Belia Bedok untuk Insan Kurang Upaya (BYSD)**.



Ustazah Siti Nur Qurratul'ain Mohamad Noh (kanan) mengajar seorang pelajar cacat penglihatan membaca Al-Quran Braille.

Persatuan Belia Bedok untuk Insan Kurang Upaya (BYSD) mengendalikan Program Islamik khas setiap Ahad bertempat di Masjid Al-Istighfar, di Pasir Ris Walk.

Program ini dijalankan dari 10 pagi hingga 1 tengah hari, dengan setiap sesi berlangsung selama sejam setengah. Ia diadakan secara mingguan bagi memberi ruang kepada peserta - khususnya individu kurang upaya - untuk mendalami ilmu agama dalam suasana yang terangkum dan mesra.

Madrasah untuk Insan Kurang Upaya (MIKU), kendalian **Persatuan Belia Bedok untuk Insan Kurang Upaya (BYSD)** sejak 2008, bertujuan membimbing golongan insan kurang upaya agar mereka tidak terpinggir atau ketinggalan dalam menuntut ilmu agama.

Kelas madrasah ini dikendalikan oleh seorang tenaga pengajar yang bertauliah, dengan sokongan 10 sukarelawan.

Sesi pengajaran dijalankan setiap Ahad, dari 10 pagi hingga 11.30 pagi, di Masjid Al-Istighfar.

BYSD mengalu-alukan lebih ramai individu yang berminat agar turut serta sebagai sukarelawan, bagi memperkukuh lagi usaha memperkasa golongan insan kurang upaya melalui pendidikan agama yang

bersifat terangkum dan penuh kasih sayang.

Seramai 30 pelajar yang terdiri daripada individu kurang daya penglihatan, pengguna kerusi roda serta mereka yang mengalami kekurangan daya intelek telah meraih manfaat daripada Program Madrasah untuk Insan Kurang Upaya (MIKU).

Bagi memudahkan proses pembelajaran, asatizah MIKU menyesuaikan tajuk serta inti pati pengajaran mengikut tahap keupayaan dan daya pemahaman peserta.

Kandungan agama disampaikan secara ringkas, praktikal dan mudah difahami, agar golongan kurang upaya dapat menghayati dan mengamalkannya dalam kehidupan harian mereka.

Sementara itu, bagi peserta yang kurang daya penglihatan, sesi khas pembacaan Al-Quran Braille diadakan dari 11.30 pagi hingga 1 tengah hari.

Program ini dianjurkan oleh **BYSD** atas permintaan khusus daripada golongan tersebut memandangkan peluang mengikuti kelas sebegini amat terhad dan jarang disediakan oleh mana-mana pertubuhan.

Setakat ini, seramai 13 peserta telah meraih manfaat daripada sesi Al-Quran khas ini — satu usaha yang dianggap sangat bermakna dalam memastikan golongan ini

tidak terpinggir daripada arus pendidikan agama.

Pengurus Pembangunan Perniagaan **BYSD**, Cik Shiffa Khumaira Abdul Khaliq, berkata:

"Kami hanya ada dua orang tenaga pengajar yang mengendalikan kelas membaca Al-Quran dalam kaedah Braille. Kami sangat mengalu-alukan asatizah yang berminat agar tampil menyertai program kami.

"Kami juga perlukan sokongan masyarakat dalam program ini. Ia akan membantu lebih ramai asatizah mengenal dan meningkatkan kemahiran mereka mengajar Al-Quran Braille."

OKU yang tiada masalah penglihatan boleh menyertai kelas membaca Al-Quran yang biasa dengan asatizah yang disediakan.

Berkaitan sokongan penderma, Cik Shiffa amat berbesar hati dan berterima kasih atas sumbangan yang diterima **BYSD** selama ini.

"**BYSD** amat berterima kasih kepada penderma atas sumbangan infak, makanan bagi madrasah mingguan kami. Sumbangan derma kepada program ini amat dialu-alukan. Kami harap agar lebih ramai lagi sudi menderma untuk menjayakan dana bagi projek ini.

"Dana yang dikumpulkan ini juga akan membantu **BYSD** menyediakan lebih banyak mashaf (naskhah) Al-Quran Braille dan biasa untuk pelajar kami.

"Kaedah Braille ini menggunakan titik-titik timbul yang menggunakan abjad atau huruf tertentu, yang dapat dibaca dengan menyentuhnya dengan jari, khususnya bagi mereka yang tidak dapat melihat atau buta.

"Tentunya, dana yang terkumpul membantu kami menyediakan tempat yang sesuai dan selesa untuk mengendalikan kelas tersebut setiap minggu.

"Dana ini turut membantu membiayai kos pengangkutan van inklusif untuk golongan kurang upaya yang berkerusi roda," tambah Cik Shiffa.

BYSD amat mengalu-alukan mereka yang ingin menunaikan pembayaran zakat kepada persatuan itu.

Sasaran kutipan zakat **BYSD** adalah sebanyak \$100,000. Jumlah ini dapat membantu persatuan amal itu menyediakan kegiatan pendidikan, program inklusif dan menjaga kebajikan golongan kurang upaya di Singapura secara berterusan.



Infraq Bersama BYSD

Program - Program BYSD

Madrasah untuk Insan Kurang Upaya (MIKU)

Kelas agama mingguan khas untuk OKU sejak 2008. 40+ peserta telah mendapat manfaat dalam memahami asas Islam.

Quran Braille (QB)

Memberi peluang kepada OKU penglihatan untuk mempelajari dan membaca Al-Quran dengan kaedah Braille. Terbuka juga kepada mereka yang ingin mempelajari Braille.

Gunakan 10 malam terakhir Ramadan untuk bersedekah dan menyokong pendidikan Islam OKU!

Rebut Keberkatan 10 Malam Terakhir -Tunaikan Zakat Harta Anda!

Allah menjanjikan pahala berlipat ganda bagi mereka yang bersedekah pada malam-malam istimewa ini. Jadilah sebahagian daripada mereka yang membantu OKU dengan menunaikan zakat kepada 4 asnaf yang layak:

- Fisabilillah** – Pendidikan & kebajikan OKU
- Amil** – Pengurusan zakat
- Fakir** – Bantuan kepada yang amat memerlukan
- Miskin** – Keperluan asas untuk yang serba kekurangan

Sasaran Kutipan: \$100,000

bysd.sg/donation 9062 0969



"Saya mengambil masa agak lama untuk mencari tempat belajar Al-Quran Braille di Singapura. Dan sejak BYSD memulakan Program Al-Quran Braille ini, saya rasa gembira, teruja serta berazam untuk dapat membaca Al-Quran."

Muhammad Firdhaus Bin Ja'far
Kurang Penglihatan dan Pelajar Quran Braille BYSD



"Tanpa Persatuan Belia Bedok, kita tak dapat ada kelas ugama dan aktiviti. Kita rasa terpencil, tak mengenali orang, takut nak keluar. Tapi dengan adanya kelas ugama ni kita rasa gembira mengenali kawan-kawan"

Jumiah Binte Junit
Pesakit Polio and Penerima BYSD

Saat Terbaik Untuk Berinfraq ke BYSD

Laman Web: bysd.sg/donation

Bank: DBS A/C: 106-901557-0

PayNow: UEN No: S68SS0005J



GIRO: Muat turun borang di bysd.sg dan hantar ke BYSD.

Cek Berpangkah: Kirim ke Bedok Youth Society for the Disabled, Tulis Nama, No. Telefon, & "BH_Zakat" di belakang cek.

Walk-in & Contactless: Datang ke pejabat kami atau gunakan Contactless Donation Terminal.

10 malam terakhir ini adalah peluang terbaik untuk memastikan sumbangan anda bernilai 1,000 bulan!

SEKILAS

Anda yang ingin menyokong kegiatan Persatuan Belia Bedok untuk Insan Kurang Upaya (BYSD) boleh melayari: <https://www.bysd.sg/donation>